

անմիջապէս պատարագէին նոքա զկնի Յունաց, ուստի ոչ կամեցան խախտել զսովորութիւնս իւրեանց, որոյ վասն եղեն ոչ սակաւ բանք և վէճք 'ի մէջ երկից ազգաց, և 'ի վերջոյ յանձն առին Հայք մնալ զկնի պատարագին Լատինաց: Իսկ վասն խորանի Ծննդեան տեղւոյն սահմանեցին ընդ Յոյնս այսպէս, Յունաց՝ զկնի պատարագին իւրեանց բառնալ 'ի խորանէ անտի զպատկերս և զաշտանակս և չքթողուլ ինչ անդ, և զնեւ զնոյնս Հայոց, նոյնպէս և Հայոց՝ զկնի պատարագին բառնալ զամենայն անտի, և մնալ խորանին զտիւ և զգիշեր առանց պատկերի եւ աշտանակի: Եւ յետ այնորիկ կարդաւորեցին զթերի մնացեալ զիրս 'ի Ս. Աստուածածին հաճութեամբ միմեանց և հանդարտեցան: Յետ կատարելոյ զգործ բաժանորդութեան Բեթղէհէմի եւ Աստուածածնի՝ մնայր մաքրել զկնճիւռն Տաճարին Ս. Յարութեան:

Սակայն Դատաւորն դանդաղէր զայլ և այլս պատճառեւով, և Մուվէլլայն ասէր մինչև ոչ արձանագրեսցի հրովարտակն 'ի Դատարանի, ոչ մտանեմ ասէր անդ. Զուխատարն և Սուրհանդակն Հայոց փութացին դառնալ 'ի կոստանդինուպօլիս:

Գ Լ Ո Ւ Խ Լ Զ.

Կարդաւորութիւն սեփհական իրաւանց Հայոց Դ Ս. Յարութիւն: Յախըշտակեալ և պահաս շինեալ տեղիքն: Ագահութիւն այլազգեսց Նրուսաղէմի և Դատաւորին: Խռովութիւն Յունաց յԱստուածածին: Բանութիւն Քաղաքապետին: Խռովութիւն Դ Բեթղէհէմ:

ՅԵՏ այսր ամենայնի հազիւ ուրեմն յորդորեցին Հայք զԴատաւորն և զՄուվէլլայն և ժողովեցան 'ի Ս. Յարութիւն (1813. 'ի 1 Դեկտեմբեր), եկին և դիտաւորք Հայոց և Յունաց: Եհարց Դատաւորն, զի՞նչ է վէճն ձեր աստ: Հայք ետուն պատասխանի, ըստ հրովարտակին Սէլիմայ յատկացուցանել մեզ զվերին եւ զստորին կողմն 'ի ներքս մեծի դրան: Յոյնք ասեն չունիք անդ իրաւունս՝ զի տե-